

Gwaith cartref – Uned 18



1. Atebwch y cwestiynau:

i. Faint o'r gloch yw hi?

ii. Faint o'r gloch mae'r dosbarth yn gorffen?

iii. Ble mae'r dosbarth?

iv. Beth sy yn eich piced chi?

v. Beth yw'ch enw chi?

2. Dyma'r ateb – beth yw'r cwestiwn? (defnyddiwch yw/sy/mae)

- i.?

Yn Neuadd y Sir.
- ii.?

Am hanner nos.
- iii.?

Mam, Dad a'r plant.
- iv.?

Ugain punt.
- v.?

Mae tiwtor yn gweithio mewn dosbarth.
- vi.?

17 Stryd y Bont, Pontypridd.

3. Darllenwch y darn yma ac atebwch y cwestiynau sy'n dilyn.

Anti Margaret yn 106

Mae Anti Margaret yn gant a chwech oed! Roedd dathlu mawr ym mhentre Mynachlog Fawr nos lau diwetha, achos roedd person hena'r ardal, Margaret Jones, yn cael ei phen-blwydd y diwrnod hwnnw. Dros y penwythnos wedyn, daeth llawer o'r teulu i'r pentre i ddymuno 'pen-blwydd hapus' iddi. Mae pawb yn ei nabod hi fel Anti Margaret.

Erbyn hyn mae hi'n byw gyda'i merch Hanna, sy'n gofalu amdani, er bod Hanna ei hun yn wyth deg oed. Wrth gwrs, mae pobl yn dod i'r tŷ i helpu bob dydd. Mae Margaret yn cerdded i'r pentre o hyd, ond roedd pethau'n anodd yn ystod yr eira ym mis Ionawr. Doedd hi ddim yn gallu mynd am dro i dafarn y pentre fel arfer i gael sgwrs a choffi yn y bore.

Cafodd Margaret ei geni ym Mynachlog Fawr, a dyna lle mae hi wedi byw y rhan fwy o'i bywyd. Aeth hi a'i gŵr i fyw yn Lloegr am flwyddyn neu ddwy yn y tridegau i weithio, ond caeodd y ffatri, felly roedd rhaid iddyn nhw ddod adre unwaith eto. Mae hi'n byw yma'n hapus ers hynny.

'Dw i'n lwcus iawn,' meddai Margaret, 'dw i'n iach, a dyna beth sy'n bwysig.' Beth mae hi'n mynd i'w wneud dros y flwyddyn sy'n dod? 'Wel... hoffwn i fynd i Awstralia i weld fy mab i a'i deulu e, ond mae'n rhy ddrud. Dw i'n hoffi edrych ar y lluniau mae e'n eu hanfon dros y we, ond dyw hynny ddim yr un peth,' meddai hi.

Pob lwc i Margaret, ac mae pawb yn edrych ymlaen at ddathlu ei phen-blwydd yn gant a saith y flwyddyn nesa.

i. Pryd roedd pen-blwydd Margaret?

- a. Dydd lau diwetha.

b. Dydd Gwener diwetha.

☐
- c. Dydd Sadwrn diwetha.

ch. Dydd Sul diwetha.

☐

ii. Gyda phwy mae Margaret yn byw?

- a. Ar ei phen ei hun.

b. Gyda hen bobl mewn cartre.

☐
- c. Gyda ffrind.

ch. Gydag un o'r teulu.

☐

iii. Doedd hi ddim yn gallu mynd i'r dafarn ar ddechrau'r flwyddyn achos...

- a. y tywydd.

b. roedd hi'n dost.

☐
- c. roedd hi'n rhy bell.

ch. doedd dim liffert gyda hi.

☐

- iv. Pam symudodd Margaret a'i gŵr yn ôl i fyw yn y pentre?
- a. Roedd hiraeth arnyn nhw.

c. Do'n nhw ddim yn hoffi Lloegr.

b. Ro'n nhw eisiau magu teulu.

ch. Doedd dim gwaith gyda nhw yn Lloegr.

- v. Pam fydd hi ddim yn mynd i Awstralia?
- a. Dyw hi ddim yn cael hedfan.

c. Does dim digon o arian gyda hi.

b. Mae hi'n rhy hen.

ch. Mae'n well gyda hi weld y lluniau ar y we.

4. Erbyn yr wythnos nesa, gwrandewch ar Robin Radio, a dewiswch berson enwog. Beth yw hoff liw, hoff fwyd, hoff ddiod, a hoff ffordd o deithio y person? Yr wythnos nesa bydd y dosbarth yn gofyn cwestiynau i chi a byddwch chi'n ateb.

5. Ysgrifennwch baragraff personol am ddathlu.

6. Dych chi wedi derbyn yr ebost yma. Atebwch yr ebost gan ymateb i'r cwestiynau i gyd. Ysgrifennwch rhwng 70 ac 80 o eiriau.

At:

Oddi wrth: Heulwen Haf, Gwyliau Cymru.

'Dyn ni'n casglu gwybodaeth am wyliau yng Nghymru. 'Dyn ni eisiau gwybod am eich gwyliau diwetha:

- Ble aethoch chi?
- Beth oedd y peth gorau am y gwyliau?
- Beth fasech chi'n hoffi newid?

Diolch yn fawr am eich help.

Gair gan y tiwtor